



3. januar 2023

Inatsisartut ingerlatsinermut maleruagassaanni § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

1. GE aamma KNAPK tusarniaanermut akissutigisimasaani¹ eqqaaneqartutuut "*Paasisimavarput, tusatsiakkanik ingerlaartoqartoq, pisortat tungaaniit isumaqartoqartoq, nalunaarutip annertoorujussuarmik piumasaqaatai aalisarnermik inuussutissarsiortermit pisariaqartuusut, ilaatigut peqqusersusaarnerit pisarsimmamata aamma/imaluunniit/ aalisarnermik inuussutissarsiortut tungaaniit taamaasiortoqartarsimmamat.*"² peqqutigalugu, nalunaarut (Aalisarnermut nakkutilliineq pillugu Namminersorlutik Oqartussat nalunaarutaat) aalisarnermik inuussutissarsiortunut killilersuinerit sakkortuut pisariaqarluinnartut, oqartussat isumaqartut. Naalakkersuisut inuussutissarsiutigineqartumut nutaamik nalunaarusiortoqarnissaanik isumaqarneranut tamanna peqqutaasoq Naalakkersuisuniit uppersarneqarsinnaanerluni?
 - a. Aalisarnermik inuussutissarsiuteqartuniit peqquserluutigineqarsimasutut oqariartuutigineqartoq qanoq isikkoqarneranik paasissutissiisutigineqarsinnaanerluni?
 - b. Peqquserlussimanermik oqariartuutigineqartoq piviusumik takussutissinneqarsinnaanerluni?
 - c. Peqquserlussimanermut oqariartuutigineqartoq qanoq annertutigaa?
 - i. Pisinnaatitsissutit, nalunaarusiamik atuutilersitsisoqarneranik, aammalu peqquserlussimanermut oqariartuuteqartumut killissamik qaangiisoqarsimaneranik naliliinissamut siunertaqartumik aningaasatigut kingunissaanik nalilersuisoqarsinnaanerluni?
 - ii. Pisinnaatitsissutit, nalunaarusiamik atuutilersitsisoqarneranik, aammalu peqquserlussimanermut oqariartuuteqartumut killissamik qaangiisoqarsimaneranik naliliinissamut siunertaqartumik inuiaqatigiinnut kingunissaanik nalilersuisoqarsinnaanerluni?
2. Peqquserluttoqarsimaneranik oqariartuuteqarneq Naalakkersuisut piviusunik takussutissinnaanngippassuk, nalunaarusiap pisinnaatitsissutaanik tunngaveqartuusussa, taava Naalakkersuisut nalunaarusiaq taama isikkoqartillugu tunuartiinnarnissaanut iliuseqarusussappat?

¹ Tusarniaanermut akissut GE-miit KNAPK-miillu ima qulequtalimmut "Aalisarnermut nakkutilliineq pillugu Namminersorlutik Oqartussat nalunaarutaanut nassuiaatit", 5. januar 2022 ullulernerqarsimasoq.

² Tusarniaanermut akissut GE-miit KNAPK-miillu ima qulequtalimmut "Aalisarnermut nakkutilliineq pillugu Namminersorlutik Oqartussat nalunaarutaanut nassuiaatit", 5. januar 2022 ullulernerqarsimasoq.



3. Peqquserlussimanermut piviusunik takutitsisoqarsinnaanngippat, nikerartitsinermut peqquserluuteqarsimanerup annertussusaa nalunaarusiami pisinnaatitsissutit allassimasunut sanillersuunneqarsinnaallutik, taava Naalackersuisut nalunaarusiaq taamatut isikkoqartillugu tunuartiinnassallugu iliuuseqarusussinnaappat?
4. Peqquserluuteqartoqarsimaneranik oqariartuuteqarnermut piviusunik takussutissiisoqarpat, GFLK tassunga qisuariaateqarsimanerluni?
 - a. Tamanna pisimappat; GFLK tungaanniit peqquserlussimanermut qisuariaateqartoqarsimannginneranut suna tunngaviua?
5. Inatsisaasimasumi nakkutilliinermut suliaassani, taamaasillunilu peqquserluttoqarsimaneranik oqariartuuteqarnermi nalunaarusiami tikkuaanissamut tunngavissaqarnissamut pisinnaatitsisoqarnissaanik suunuku Naalackersuisut amigaataanerarlugit isumaqartut?
6. Naalackersuisut pineqartumut allanik paasissutissiisinnaanerlutik?

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Aalisarnermut nakkutilliineq pillugu Namminersorlutik Oqartuissat nalunaarutaanut GE aamma KNAPK tusarniaanermut akissuteqarnermini 5. Januar 2022 eqqaavaat, aalisarnermik inuussutissarsiuteqartut peqquserluttarnerat peqqutigalugu nutaamik nalunaarusiortoqarnissaa tunngavioq oqallisaasoq. Tigussaasumik ima GE aamma KNAPK allapput:

"Paasisimavarput, tusatsiakkanik ingerlaartoqartoq, pisortat tungaanniit isumaqattoqartoq, nalunaarutip annertoorujussuarmik piunasaqaatai aalisarnermik inuussutissarsiornermi pisariaqartuusut, ilaatigut peqqusersusaarnerit pisarsimmamata aamma/imaluunniit aalisarnermik inuussutissarsiortut tungaanniit taamaasiortoqartarsimammat.

Imaassimappat, tusatsiagaq ilumoortuusooq, naatsorsuutigineqarpoq, pisortat tungaanniit tamanna uppersarneqassasoq. Ataatsimeeqatigiittarnerni, ukiut arlallit ingerlanerini ingerlanneqartarsimasuni, oqamisaartoqarnikuvoq, isumaqartoqartoq, aalisarnermik inuussutissarsiortut "oqimaassutsinik peqqusersusaartarsimasut", tamannalu piviusunik tunngaveqanngilaq.

Taamaakkaluartoq taakku pillugit saqqummiunneqarsimasut uppersaatitaanik takutitsisoqarsimannigilaq imaluunniit nalunaarutiginnittoqarsimannigilaq, uppersaatissanik imaluunniit paasinarsisitsisunik, aalisarnermi inuussutissarsiortut akornanni taanna pillugu ajornartorsiortoqartoq."³

Qulaani apeqqutigineqartunut uissuumminarsinnaasut Naalackersuisut ersareqqissaartumik akinissaat inissaminiissoraara. Inuiaqatigiinnut peqqinnartuunngilaq inuussutissarsiut taama aingartigisumi peqquserluttoqarsimaneranik oqallittoqassappat.

³ Tusarniaanermut akissut GE-miit KNAPK-miillu ima qulequtalimmut "Aalisarnermut nakkutilliineq pillugu Namminersorlutik Oqartussat nalunaarutaanut nassuiaatit", 5. januar 2022 ullulernerqarsimasooq.



DEMOKRAATIT
DEMOKRATERNE

Apequtit ullut qulit suliffiusut iluanni akineqareersimanissaat kissaatigaara.